

Na osnovu člana 29. stav 3. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, broj 77/06, 5/07 i 32/14), Kantonalni štab civilne zaštite Srednjobosanskog kantona, na 5. redovnoj telefonskoj sjednici održanoj 18.03.2020.godine, razmatrajući Ad 1 – Praćenje trenutne situacije s posebnim akcentom na činjenicu da je Vlada SBK donijela Odluku o proglašenju stanja nesreće uzrokovano pojmom korona virusa (COVID-9) na području SBK, donosi sljedeće

ZAKLJUČKE:

1. Kantonalni štab civilne zaštite zadužuje općinske štabove civilne zaštite da postupaju prema naredbama Federalnog i kantonalnog štaba civilne zaštite.
2. Kantonalni štab civilne zaštite zadužuje Kantonalni zavod za zapošljavanje SBK-a da HITNO dostavi podatke o raspoloživom medicinskom osoblju koje se nalazi na evidencijama nezaposlenih iz svih općina Kantona. (Da bi podaci bili relevantni, potrebno je da se na spiskovima nezaposlenih lica jasno naznače osobe koje se redovno javljaju na Biro). Podaci trebaju sadržavati i adrese te kontakt telefone.
3. Kantonalni štab civilne zaštite traži od Federalne uprave za inspekcijske poslove da iznađe način bržeg protoka obavijesti o izdatim Rješenjima o osobama koje su za samoizolaciju prema MUP-u SBK-a. Takođe, da se iznađe način koordinacije sa Kantonalnom upravom za inspekcijske poslove, kako ne bi došlo do izdavanja duplih Rješenja o samoizolaciji.
4. Zadužuje se Ministarstvo privrede SBK-a da zatraži od Ministarstva komunikacija i prometa BiH detaljniju instrukciju o načinu transporta roba preko graničnih prelaza BiH (uvoz i izvoz robe).
5. Kantonalni štab civilne zaštite zadužuje Službu za zajedničke poslove Vlade SBK-a da organizuje dezinfekciju svih objekata koje koriste Kantonalna ministarstva i drugi organi uprave SBK-a.

KOMANDANT ŠTABA

Tahir Lendo

Broj: 01-40-5/20-1
Travnik; 17.03.2020. godine.